

佛說申日經

開元錄中無法說經
恐是支論誤為法護

取

西晉月氏三藏竺法護譯

聞如是一時佛遊王舍城靈鳥頂山與大比丘千二百五十人介時王舍城中有大豪富長者名旃羅曰財寶無量敬信佛法供養眾僧精進難及長者有弟号名申日不信佛法奉諸邪術見兄奉正每懷恚嫉所可侍師号不蘭迦葉不蘭迦葉五百人等謂申日言今汝兄者獨不待我不知真道而及信佛時旃羅曰知異道人所共論說語申日言吾明日欲請卿師寧肯自屈詣吾舍不申曰荅言當往報之申日即往詣其師所長跪白言我兄今欲降伏請諸大人明日自屈詣其舍食師言大善即受其請時申日還白其兄言今已受請明日當來時旃羅曰多使人客於門中地掘作大坑令深五尺以青汗泥滿其坑中薄覆其上令如平地又復豫作五百發脚牀皆施一脚以檐衣之以五百鉢成熟乳酪以此供具待異道人明

申日經 第三張 取
日時至來詣請所諸尼捷子無有法則乱行併肩先入无上適至門中皆各使走却墮泥坑汗其衣服皆恚瞋恚各欲還去時旃羅曰使人牽留解語其意此舊泥坑道人不知而墮此坑不故為之幸莫瞋恚願前飯食賀易衣服盡請令入在門裏徑先付酪器皆手持已便語令坐適却居牀牀皆及側五百道人皆僵仆地鉢酪漿者激灌其面及其衣服時諸道人益懷瞋恚語申日言汝今投我與兄共謀毀辱吾等甚為不細是時申日亦大不樂道人瞋恚皆弃捨去時旃羅日復牽留之為說方便辭喻之言屬卿曹等墮泥中時身體正黑甚為醜惡如卿之道今酪正白其色鮮潔辟如佛道亦可捨卿所奉之術來就吾法諸異道人不復與語懷恚而去明日申日往詣師所長跪自陳我兄無狀所為非法我實不知願師加哀不見各責雖今者當為大師報昨日之怨我兄但以泥坑酪漿毀辱師等耳我今所報當過於此今我兄所侍

申日經 第三張 取
之師我當請之掘門裏地令入五丈以火著中薄覆其上設眾飯食皆內毒藥時佛當來若不墮火坑中者當持毒飯而分布與以此然之於師何如時師報言如佛世尊多智聖猛觀去來事他人所議輒豫知之卿雖欲尔恐不能諧申日復言先當請之若其受者為无所知若必明聖不受吾請師曰大善是時申日出王舍城詣靈鳥山前到佛所又手指讓而白佛言我欲請佛及諸弟子願屈光儀到舍小飯佛言大善於是申日歡喜而退還白其師佛已受請為無所知但當掘坑具毒飯耳時諸異道人皆大踊躍展轉相謂以為大慶
漢言月先
申日有子名旃羅法
先童子
世宿命學佛經道有神猛志志在大乘白其父言佛者大聖神通已達前知无窮却觀無極蚺蜃蠕動心義所念皆豫知之莫用邪冥惡人之言受其重罪時旃羅法復白父言假令劫盡滿其中火三千刹土皆悉周遍又取諸毒揣若須弥猶尚不能動佛

一毛况此小坑而欲害之今父所作
 辟如螢火自以小明欲蔽日月辟如
 小鳥欲以其身衝崩鐵圍及碎其身
 無所能諧今諸異道所作如是不須
 請佛其父不信故如前謀明日時至
 遣人白佛所供已辦願可自屈於是
 如來便起向道放大光明一切洞徹
 是時十方有十菩薩皆阿惟顏一
 菩薩各與億百那術無數菩薩俱飛
 來會各將寶華栴檀名香以象伎樂
 供養世尊詣王舍城欲觀如來有所
 感動時申日舍有金色光皆明如日
 旃羅法白言今佛現舍金色之光佛
 以向道有此感應可往止之不須使
 前父故不信是時申日第一夫人号
 名月羽旃羅法母也見此變瑞踊躍
 歡喜即發無上正真道意
 於是旃羅法白其母言今當勅五百
 夫人皆令嚴莊出見如來所以者何
 世尊難值億百千劫時有佛耳五百
 夫人皆悉受教歡喜侍佛佛入城時
 足蹈門闔三千國土皆大震動諸有
 疾病悉為除愈盲視聾聽瘖病能言

跛躄者行諸被毒者毒皆不行諸
 有樂器不鼓自鳴金銀七寶皆作音
 聲飛鳥走獸相和悲鳴時十方神并
 諸天人各與尊神不可計數皆悉隨
 從詣申日舍佛蹈火坑變為浴池中
 生蓮華大如車輪華有千葉七寶為
 莖其色妙好佛蹈其上及諸菩薩所
 可蹈華皆生五百葉弟子乘者華生
 五百葉申日見火坑作此變化心中
 驚怖即大惶怖頭面作禮佛入其舍
 菩薩弟子皆悉坐定申日懺悔前白
 佛言我大無狀所作非法今飲食中
 皆有毒藥乞得更備辦宿留須臾佛
 言持毒飯來我自食之申日歡喜即
 如佛教分布飯具皆悉周遍便即受
 之呪願達觀其毒飯者變為百味香
 聞十方其有聞此飯香氣者自然飽
 滿身得安隱皆發無上平等道意飯
 食畢竟五百夫人及旃羅法為佛作
 礼却住一面長者申日自取小牀於
 佛前坐而白佛言世尊神通有三達
 智我之所作想佛已了不即逆告語
 我乃今吾等興立非法造此惡事佛

豈不知我所議耶佛告申日乃昔過
 去阿僧祇劫尔時有佛号提和竭如
 來為等正覺其明無量度諸解廢與
 衆開士及大弟子无央數俱行入城
 時有長者名鞞陀衛時適出城有梵
 志女鮮潔少雙執持名華時長者子
 即以銀錢五百從賣華女得華五莖
 以散佛上佛即授其决言汝却後無
 數阿僧祇劫當得作佛号釋迦文汝
 作佛時當有長者号名申日與異道
 人合構逆事火坑毒飯規欲試汝雖
 有此惡當因汝得度
 佛告申日時長者子今我身是我乃
 尔時從如來授記即得明决之定以
 為善豫知有汝名字况汝昨日所謀
 議事豈不知乎當知諸佛善權之慧
 欲以因緣有所起發長者申日間佛
 所說即得法忍復自歎言如來之智
 無所不度明知我今不復受罪所以
 者何過去世時錠光如來豫說我名
 今當為佛之所開化以是言之不復
 受罪時佛說法於王舍城長者居士
 無央數千及異道人五百之衆皆發

申日經 第七張 敢
 无上正真道意五百夫人即時逮得
 不退轉地月光童子從坐而起讚歎
 佛已而白佛言設我來世得作佛時
 令我國土一切人民無有惡心皆應
 質朴有諸惡國人民剛強五濁賤世我
 願於中而開化之佛告阿難汝聞月
 光童子所說不乎阿難對曰唯然已
 聞佛告阿難我般涅槃千歲已後經
 法且欲斷絕月光童子當出於秦國
 作聖君持我經法興隆道化秦土及
 諸邊國鄒善烏長歸茲疏勒大宛于
 填及諸羗虜夷狄皆當奉佛尊法普
 作比丘其有一切男子女人聞申日
 經前所作犯惡逆者皆得除盡當知
 世尊之所應度如是如其有犯逆
 尚得度脫何況至心學佛道者佛說
 經已一切衆會莫不歡喜作禮而去
 佛說申日經

申日經 第八張 敢
 按開元錄此經四譯一失法護譯中雖有月光童
 子經亦名申日經者自是一經有二名耳非別有
 甲日經是法護譯者藏中既有月光童子經為法
 護譯斯已矣此何更有申日經為法護之譯耶則
 未知此經是誰之譯又何據謂之法護譯耶今以
 經中有上文雖譯中有申日經一卷云與月光童
 子經同本異譯今檢尋文句二經不殊故不變出
 云云則藏中必有文據所譯月光童子經亦名申
 日經者今諸藏皆無恐此經即是而誤安法護之
 名耳如是則四譯還具矣冒陳賢言以俟來考

癸卯歲高麗國大藏都監奉
 勅彫造

佛說申日經

校勘記

- 一 底本，麗藏本。
- 一 諸藏均不載此經，故無本可校。